



JABATAN PERKHIDMATAN VETERINAR

LAPORAN PEMANTAUAN MEDIA

15 JULAI 2024 (ISNIN)

Banyaknya anjing, monyet 'bersidai' di jalanan

MEDIA	RUANGAN	MUKA SURAT	TARIKH
Kosmo!	Luahan Pembaca	11	15 Jul 2024



ANJING dan monyet yang 'bersidai' di kawasan perumahan sekitar Sungai Tangkas menakutkan penduduk.

Banyaknya anjing, monyet 'bersidai' di jalanan

SAUDARA PENGARANG,

KEHADIRAN anjing dan monyet di kawasan perumahan sangat menakutkan. Bilangan haiwan ini yang banyak sudah tentu mendatangkan bahaya kepada orang ramai terutamanya kanak-kanak.

Anjing yang berkeliaran dan monyet menyelongkar tong sampah menghantui penduduk di sekitar Sungai Tangkas terutamanya yang tinggal di

GreenVilla Apartmen Bangi dan Taman Universiti, Kajang Selangor.

Malah, terdapat juga anjing dan monyet cuba memasuki rumah penduduk termasuk 'berebut' makanan kucing yang diletakkan di ruang hadapan kediaman.

Aduan telah dibuat tetapi jumlah terlalu banyak, hari ini tangkap esok ada lagi. Sewajarnya perlu langkah agresif untuk menangani situasi

berkekaan. Terdapat juga keadaan penduduk dikejar dan kucing menjadi mangsa.

Sebelum ada perkara tidak diingini, sewajarnya tindakan diambil pihak berkuasa, tangkap anjing dan monyet.

Kehadiran haiwan-haiwan ini membimbangkan seterusnya menyebabkan anak-anak takut untuk keluar bermain.

BAPA RISAU
Kajang, Selangor

Tangani isu anjing liar, kenaikan harga makanan

MEDIA

Sinar Harian

RUANGAN

Nasional

MUKA SURAT

13

TARIKH

15 Jul 2024

Tangani isu anjing liar, kenaikan harga makanan

Dipilih sekali lagi sebagai Ahli Dewan Undangan Negeri (ADUN) Kota Laksamana, Low Chee Leong pada Pilihan Raya Negeri (PRN), tiga tahun lalu menunjukkan bahawa para pengundi kawasan

itu masih memerlukan khidmat beliau sebagai wakil rakyat.

Lebih-lebih lagi, beliau juga pernah memegang jawatan Exco Kesihatan dan Anti Dadah ketika Melaka dipimpin oleh Ketua Menteri terdahulu, Adly

Zahari dan hal ini mendorong beliau mahu terus memperjuangkan isu rakyat termasuk isu anjing liar. Ikuti temubual wartawan Sinar Harian, **NOR FARHANA YAACOB** dengan Chee Leong, baru-baru ini.



PROFIL

Nama: Low Chee Leong
Umur: 61
Isteri: Cheong El Leon

Kelulusan akademik: Sarjana Muda Pengurusan Sumber Manusia dari Open University Malaysia

Jawatan: Timbalan Exco Kemajuan Desa, Pertanian dan Keterjaminan Makanan Melaka

Jawatan dalam parti: Ahli Jawatankuasa DAP Melaka

SINAR HARIAN: Umum sedia maklum masalah anjing liar dan anjing terbiar masih lagi diperkatakan dan belum ada penyelesaian yang tuntas kepada masalah ini. Apa pandangan YB dalam menyelesaikan isu ini?

CHEE LEONG: Kesedaran komuniti adalah penting untuk menjaga kebersihan, kesihatan awam dan ketenteraman dalam hal berkaitan isu anjing terutama anjing-anjing liar.

Kehadiran anjing-anjing liar merupakan satu masalah kepada penduduk di mana-mana terutama di kawasan perumahan. Saya berharap usahasama antara pihak berkuasa tempatan (PBT), badan kerajaan (NGO), komuniti dan individu yang memelihara haiwan peliharaan ini dapat diertakan untuk menangani masalah anjing liar.

Ini kerana kebimbangan kita, anjing-anjing liar ini mungkin akan menyerang orang awam terutama penunggang motosikal, kanak-kanak, pejalan kaki dan penunggang basikal sehingga berlakunya kemalangan seperti mana yang pernah dilaporkan sebelum ini.

Begitu juga dengan haiwan peliharaan. Adalah menjadi tanggungjawab individu yang memelihara haiwan kesayangan mereka yang mana haiwan-haiwan dipelihara harus dijaga dengan rapi dari segi kesihatan dan kebersihan.

Pihak PBT pula perlu mengurangkan populasi anjing-anjing liar dengan menjalankan operasi tangkapan yang berterusan. NGO dan PBT juga boleh menjadualkan program kesedaran kembara sebagai salah satu langkah mengawal populasi anjing dan binatang lain seperti kucing terbiar.



Chee Leong ketika melawat mangsa kebakaran kedai makan di Medan Selera Taman Kenanga.

Malah orang ramai juga diminta jangan memberi makanan kepada anjing ataupun haiwan liar termasuklah tidak memberi makanan kepada burung gagak.



Jika dilihat masalah anjing liar sentiasa menghantui orang awam termasuk di taman perumahan baharu. Apakah cadangan YB dalam mengurangkan masalah anjing liar di kawasan perumahan?

Memang dialu-alukan semua pihak mengambil berat dalam isu menangani masalah binatang liar dan terbiar seperti anjing dan kucing.

Saya harap kita boleh mencadangkan atau mengenakan syarat kepada pihak pemaju perumahan untuk memberi bantuan dari segi menyediakan sangkar atau perangkap di setiap projek perumahan baharu.

Sekurang-kurangnya ini salah satu inisiatif kita dalam usaha mengurangkan

kes-kes anjing liar memandangkan kita faham kekangan tenaga kerja penguat kuasa kerana di Melaka ini terdapat banyak taman perumahan selain perlu menjaga kampung-kampung.

Jadi sekiranya binatang itu masuk ke dalam perangkap, kita boleh menghubungi PBT untuk menguruskannya. Selain itu bagi saya, kita perlu memperbanyakkan lagi kempen kesedaran orang awam tentang tanggungjawab untuk pelihara binatang harus dijadualkan supaya tidak berlaku kes-kes ancaman binatang terbiar dalam komuniti.

Dalam kehidupan bermasyarakat ini pentingnya peranan kerajaan iaitu PBT, peranan komuniti, peranan NGO dan peranan individu yang saling berkaitan.

Saya juga berharap setiap taman perumahan dapat mengaktifkan Kawasan Rukun Tetangga (KRT) dan persatuan taman agar setiap masalah yang timbul di kawasan mereka dapat disalurkan dengan cara yang betul untuk diambil tindakan segera.

Sebagai Timbalan Exco Kemajuan Desa, Pertanian dan Keterjaminan Makanan, apakah usaha yang dilakukan kerajaan negeri bagi membantu rakyat berdepan dengan kenaikan harga barangan?

Hubungan di antara peladang kepada pengguna harus dipergiatkan dengan menyediakan medium untuk peladang atau petani kecil meraih pendapatan menerusi jualan hasil tanaman terus kepada pengguna.

Saya yakin cara ini masih relevan dalam memastikan pengguna mendapat barang mentah atau hasil pertanian dengan lebih murah, lebih ekonomi dan segar. Sekali gus jualan terus ini dapat minima keuntungan orang tengah.

Sehingga sekarang juga, kita masih menyokong dan menggalakkan kewujudan pasar tani di bawah Lembaga Pemasaran Pertanian Malaysia (FAMA). Malah setiap tahun ada sahaja sasaran FAMA untuk menambahkan lagi bilangan pasar tani di negeri ini, agar pengguna lebih banyak peluang untuk membeli dengan harga berpatutan.

Selain itu tidak ketinggalan agro MADANI, jualan Rahmah bergerak digalakkan di semua komuniti supaya rakyat dapat menikmati jualan yang lebih murah lagi segar.

Sebenarnya banyak usaha yang dilakukan kerajaan dalam meringankan beban dan memanfaatkan rakyat. Begitu

juga sekarang ini di Melaka kita anjurkan Melaka AgroFest 2024 di Dataran Sejarah Ayer Keroh.

Program tersebut menjadi platform untuk mempromosikan hasil pertanian dan keluaran usahawan bagi mengangkat produk tempatan ke pasaran yang lebih luas.

Selain itu kita dapat mengelakkan lambakan buah-buahan seperti duri dan nenas kerana kita sediakan juga gerai jualan buah-buahan kepada pengguna.

Yang penting juga, kita perlu berterusan menggalakkan aktiviti pertanian secara kecil-kecilan di persekitaran perumahan seperti tanah lapang atau halaman rumah dengan syarat tidak menghalang laluan orang awam dan mendatangkan kacau ganggu kepada orang lain.

Tujuannya adalah mendapat hasil tanaman seperti sayuran bagi meringankan kos sara hidup harian.

Pandangan YB terhadap Kerajaan Perpaduan yang telah lebih setahun diterjemahkan di negeri ini?

Bagi saya ia merupakan pentadbiran yang mantap, tadbir urus yang positif bagi merealisasikan kegemilangan Melaka Maju Jaya.

Paling utama dapat menyatupadukan semua kaum dan perwakilan politik dalam pentadbiran negeri ini sekali gus satu kelebihan untuk menjaga kestabilan politik di bawah payung Kerajaan Perpaduan.



Chee Leong (empat dari kiri) bersama masyarakat dalam program kempen derma darah.

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR